



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1859

294. Die von Wedel zu Tütz acceptiren einen von dem Vogte zu
Schiefelbein Namens des Kurfürsten ihnen zugesandten Fehdebrief, am
24. März 1467.

Nutzungsbedingungen

[urn:nbn:de:hbz:466:1-56597](https://nbn-resolving.org/urn:nbn:de:hbz:466:1-56597)

294. Die von Wedel zu Lütz acceptiren einen von dem Vogte zu Schiefelbein Namens des Kurfürsten ihnen zugesandten Fehdebrief, am 24. März 1467.

Vynschafft nach louffe der Tith. Erbar vnnnd woltuchtigen her Jacob von Polentz, vogt zu Schiuelbein etc. Also als ir vns ewer entlag briff gefand het vnnnd schribet doby, wie euch vnnnd ewers herren gnade vnnfer vater entlayt hette; So wifzet ir wol, welche grose vnrecht vnnnd gewalt vnferm vater gescheen ist vonn dem Burgermeister vonn Arnswolde, desz heren gnade vnderthann, das denn vnser vater vffte demuthiglichen des herren Marggrauen gnade geclaget hett vnnnd hat keyne gerechtikeyt odder geliche vonn Im nicht bekommen. So wolle wy des gote clagen vnnnd vnserm gnedigen herren dem konige vnnnd allen lebenden luthen kunth thun, das ir euch alle neben vnser vaters gerechtikeith vns so egenwillig zu finden notiget vnnnd dyget vnnnd nu entlayth vns vonn ewers herren Marggrauen Gnade wegen, das wir denn nicht mogen losen, Sunder gedencken mit hillffe gotis tote gute lute, wy wyr der gewalt widersten vnnnd niefzen mogen. Hirvme ich Marcus vnnnd dauid, brudere, vonn wedelen, Gesetzen zum Tutzen, bewaren vns vnd wollen vns bewaret haben in crafft disses briues kegen dem hochgeborenn herren, hern friderich, Marggraue von Brandenburg, kurfursten, des hiligen Romischen richs Ertzkamrer, zu Stettin, der Pomern etc. Hertzoge, Burggraue zu Nuremberg, vnnnd alle finer gnaden beyligere, helffer, vnderthanen, Geistlich vnnnd werntlich, Edel vnnnd vnedel, neben vnserm vater in frede vnnnd vnfrede zu steen. Hyrme ab ewern gnaden oder den ewern ichts vonn vns oder den vnsern gesicht, das wolle wir an vnseren eren vnshedelich wesen. Des zu bekentnisfse habe wir vnser sigel hinden an lassen drucken, der geuen ist zum Tutzen, Am dinstage nach palmarum, Im LXVII^o.

Claws wakenifse.

Claws sultet.

Claws lewe.

Nach dem Original des Geh. Staatsarchives.

295. Kurfürst Friedrich bittet Peter von Samter um Hilfe gegen die in Lütz zusammen geschaarten Söldner, die des Kurfürsten Feinde geworden sind, am 24. März 1467.

Fridrich etc. Vnnse fruntschafft zuuor. Wolgeboren vnd edeler besunder frund. Als Ir vns ytzund geschriben habt von der dinst knechte wegen, dy zum Tutze legen vnnnd sich vast stercken etc., das vnnnd alle ander meynung ewers briues haben wir wol vernohmen vnd dancken euch ewers guten willen fleysig. Sundern